

Thunkantin Kamachikuykuna

¹ Diosmi rimarqa tukuy kay palabrakunata:

² —Ñoqam kani yupaychasqaykichik Tayta Dios, Egipto nacionpi sirviente kasqaykichikmantam horqomurqaykichik.

I ³ —Ñoqallam Diosqa kani, amam huk dioskunaqa kapusunkichu.

II ⁴ —Amam taytacha-mamachataqa rurankichu imaman rikchakuqtapas, hanaq pachapi kaqman rikchakuqtapas, kay pachapi kaqman rikchakuqtapas nitaq allpapa ukun yakupi kaqman rikchakuqtapas. ⁵ Amam qonqorakunkichu chaykunapa ñawpaqninpiqa, amataqmi adorankichu. Ñoqqa kani yupaychasqayki Tayta Diosmi. Ñoqqa manam munanichu sapaq dios adoranaqkichiktaqa, chaynata ruraspa cheqniwqaqniy tayta-mamakunapa huchallikusqanmantam castigasaqpuni wawa-churinkunata, chay wawa-churinkunapa willkankunata chaynataq chay willkanpa churinkunatapas. ⁶ Ichaqa kuyawaqniy runataqa otaq kamachikuyiniy kasukuq runataqa waranqantin mirayninkamam favorecesaq.

III ⁷ —Ñoqapa sutiyaqa amam yanqaqa rimankichu.

Sutiyanqa rimaqtaqa castigasaqpunim.

IV ⁸ —Amam qonqankichu samana punchawqa ñoqapaq sapaqchasqa

kasqanta. ⁹ Soqta punchaw llamkaspaykim tukuy ruraynikikunata ruranki, ¹⁰ qanchis kaq punchawpim ichaqa samanki, chay punchawqa punchawniy kasqanrayku. Chay punchawpiqa amam rurankichu ima ruranatapas. Amataqmi ruranqachu qari churikipas nitaq warmi churikipas nitaq sirvientekipas nitaq servientaykipas nitaq animalnikipas nitaq llaqtaykipi yachaq forasteropas. ¹¹ Ñoqqa soqta punchawpim unancharqani cielokunata, kay pachata, lamar qochata chaynataq chaykunapi tukuy ima kaqkunatapas. Qanchis kaq punchawpiñataqmi samarqani hinaspam chay punchawtaqa bendecirqani punchawniypaq sapaqchaspay.

V ¹² —Tayta-mamaykitam respetanki chaynapi ñoqapa qonay allpapi unay wata kawsanaqkipaq.

VI ¹³ —Amam pitapas wañuchinkichu.

VII ¹⁴ —Amam hukwanqa pierdekunkichu.

VIII ¹⁵ —Amam suwakunkichu.

IX ¹⁶ —Amam runamasikipa contranpiqa llullakunata rimankichu.

X ¹⁷ —Amam munapayankichu runamasikipa wasinta, amam munapayankichu runamasikipa warminta nitaq sirviententapas nitaq sirvientantapas nitaq asnantapas nitaq runamasikipa imantapas.